



Na osnovu člana 2.9 stav (1) tačka 2, a u vezi sa članom 5.22. stav (2), 5.25. stav (1), člana 14.1 i člana 14.3 stav (6) Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24) i Odlukom o raspisivanju i održavanju ponovnih prijevremenih izbora za predsjednika Republike Srpske na 136 biračkih mjesta u 17 osnovnih izbornih jedinica broj: 05-1-07-1-1252-1/25 od 31.12.2025. godine, Centralna izborna komisija Bosne i Hercegovine je, na 6. sjednici održanoj 26.01.2026. godine, donosi

INSTRUKCIJU

o izmjeni i dopuni INSTRUKCIJE o postupku provedbe ponovnih prijevremenih izbora za predsjednika Republike Srpske na 136 biračkih mjesta u 17 osnovnih izbornih jedinica

Član 1.

- 1) U Članu 4. (Imenovanje i obuka biračkih odbora) stav (3) INSTRUKCIJE o postupku provedbe ponovnih prijevremenih izbora za predsjednika Republike Srpske na 136 biračkih mjesta u 17 osnovnih izbornih jedinica broj: 05-1-02-2-19-1/26 od 08.01.2026. godine, mijenja se i glasi:

„ (3) Izborne komisije će imenovati članove biračkih odbora, od članova biračkih odbora sa biračkih mjesta koja nisu poništena, na kojima nije bilo ponovnog brojanja u Glavnom centru za brojanje, od zamjenika članova biračkih odbora koji nisu angažovani na prijevremenim izborima za predsjednika Republike Srpske, vodeći računa da na jednom biračkom mjestu može biti samo jedan član biračkog odbora i njegov zamjenik, koji je imenovan sa liste prijedloga političkih subjekata.

U osnovnim izbornim jedinicama u kojima je poništeno jedno ili dva biračka mjesta izborna komisija će obavezno na ta biračka mjesta imenovati jednog člana biračkog odbora i njegovog zamjenika iz reda članova biračkog odbora i njihovih zamjenika koji su imenovani sa liste prijedloga političkih subjekata. **U osnovnim izbornim jedinicama u kojima izborna komisija nije u mogućnosti imenovati člana biračkog odbora i zamjenika biračkog odbora sa liste prijedloga političkih subjekata, izborna komisija zatražiće od političkih subjekata koji imaju pravo predlaganja članova i zamjenika članova biračkih odbora dodatnu listu prijedloga za imenovanje člana biračkog odbora i zamjenika člana biračkog odbora do roka utvrđenog Uputstvom o rokovima. Ukoliko i nakon provednog postupka nije moguće popuniti mjesta članova biračkih odbora i zamjenika članova biračkih odbora izborna komisija će na nedostajuće pozicije članova biračkih odbora i njihovih zamjenika imenovati kandidate sa rezervnog spiska. “**

- (2) Ostale odredbe predmetne Instrukcije ostaju nepromijenjene.

Član 2.

Ova instrukcija stupa na snagu danom donošenja, a objavit će se na internet stranici Centralne izborne komisije BiH.

Broj: 05-1-02-2-19-2/26
Sarajevo, 26.01.2026. godine



Predsjednik

Kalaba
Ivan Kalaba